

26. marts 2019

UPA 2019/21

Sanaartornermi neqeroortitsisarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx.xxx 2019-imeersoq.

(Suliariumannittussarsiuussisarnermut maalaaruteqartarneq pillugu aalajangersakkat allanngortinneqarnerat).

(Ineqarnermut attaveqaqatigiinnermullu Naalakkersuisoq)

Kingullertigut nunatsinni sanaartornermi maleruaqqusat, nakkutilliinerit assigigisaallu nutarterifigalugit Inatsisartuni suliaqallattarnerput Siumumi pitsaasutut isumaqarfigaarput, tassami tamakkua pissutsinut nunatsinnut ullutsinnullu naleqqussarnerullugit ataqatigiissinnerullugillu aaqqiiviginissaat anguniarneqartuartariaqartoq Siumumi tunngaviusumik isumaqarpugut.

Siumumi isumaqarpuguttaaq sanaartornerup silarsuaa tassaasoq sutigut tamatigut ineriartorfiusoq nutaaliorfiujuartorlu, taamaammallu malittarisassaqaarnikkut naleqqussaajuarnissat nutarteriuar-nissallu pingaaruteqarluinnarput.

Sanaartornerup silarsuaani, tassalu Illuliortiternermi sanaartornermilu Neqeroortitsisarnermi Maalaaruteqartarfik pioreersumut taarsiullugu Naalakkersuisut siunnersuutigaat maalaarutit Pisortat Pisiortartarneranni Neqerooruteqartitsinermi Maalaaruteqartarfik aqutigalugu nutaamik male-ruagassiuunneqassasut. Tamanna Siumumi peqataaffigerusukkatsigu matumuunakkut naqissusis-savarput, tassami suliat assigiinngitsut ataatsimut sunniutissaannik siunissami maalaaruteqar-tarfinni piginnaaneqarfinnik ineriartortitsinermit nukittorsaasussanik angusaqartoqarnissaanik Naalakkersuisut oqariartornerat iluatinnaateqartutut Siumumi isumaqarfigigatsigu.

Siumumiit naatsumik taamatut oqaaseqarluta siunnersuut manna Sanaartornermut ataatsimiitita-liami aappassaaneernissaa sioqqullugu suliarineqarnissaa inassutigaarput.

Anders Olsen, Siumut